



## QUÆSTIO MEDICA.

*Quodlibetariis disputationibus manè discutienda in Scholis  
Medicorum, die Jovis tertiâ Decembris 1716.*

M. AMANDO DOUTE', Regi à Consiliis,  
Serenissimæ Biturigum Ducissæ Medico Primario,  
Facultatis Decano, Præside.

*An mutuum tritûs & fermentationis commercium?*

I.

**H**OMINIS ex lege Hippocratis, mentis indè & corporis, medenti necessaria cognitio. Sanitas præcipuus Medici finis. Hunc vit probus minùs raro assequetur. Hic morbos animo peculiat, alios corpori proprios, alios utrique communes distinguet. Coquorum, Pharmacopolarum, Chirurgorum non solis utetur manibus; Musicorum, Oratorum artes non negliget; ipsiusmet Religionis opem ipse religiosus deponet. Ethicam & Metaphysicam supponit Ars Medica. His tamen inbuti rari artifices. Medicus, sensualis nimis Philosophus, abstractiores negligit scientias; hujus segniùs irritant animum demissa per aurem, quàm quæ sunt oculis subjecta fidelibus, & quæ sibi tradit spectator. Corporis humani sentitur nutritio, auctio, motio; ex inediâ ejusdem macies & tabes cum horrore videtur; alimentorum inde cognoscitur necessitas. Hisce functionibus interservientium organorum situm indicant, ex appetitu naturali naturales relationes. Horum figuram patetque integrantes explicat Anatomia. Ex ea nil nisi fluens & solidum innotescit. In utrisque apud veteres nulla virtus. Spiritus hinc & Facultatum utile figmentum. Apud neotericos in fluentibus: apud recentiores in solidis sola potentia. Tot diversarum opinionum patens præjudicata ciborum & corporis ingens diversitas. Nutritioni apud plurimos chylosis, haimatopoiesis, & homioiosis. Apud paucos & sapientiores sola prima requiritur. Functionum œconomix animalis principium & causa motus. Hic mera virtus Dei applicata ipsismet corporibus. Illa solis solidis impertita, fluidis communicata tantum, solida non detetminantia, sed dirigentia. Fluida ordinata non impetum facientia, non circum euntia, sed circum impulsâ. Unus igitur tritus. Nulla proinde fermentatio. Hæc à quibusdam asseritur, ille ab aliis demonstratur. Corpus olim superbarum erat facultatum sedes, nunc haud minùs injuriosè fermentorum officina ab aliis, ab aliis mechanicorum instrumentorum theatrum decantatur. Unicuique suæ sententiæ pervicax nimis & uxoria defensio. Labi, errare, nescire nemo fateretur. Prævus indè altercandi conten-

dendique mos, quem tollere frustra laborant, qui minùs veritati, quàm libidini quasi servientes, constantis unius, omniaque præstantis tritùs, cum fermentatione impossibili, inutile postulant matrimonium.

## II.

OMNE corporis humani solidum ex canaliculis conicis & elasticis, quos arterias vocamus, ex iisdemque propagatorum ductuum, in retis formam intextorum filis coagmentatur. Cato, membranæ, ossa, corpus univèrsum, unius tubi organica fabrica. In hâc artificiosâ machinâ consensu unus, conspitiatio una, consentientia omnia; in ea varii motus & actiones observantur, illi in certâ vasorum continuatione, fluentiumque humorum quâdam conditione consistunt; sed quænam est illa conditio: num fermentatio? minimè gentium. Concipis prædictum naturæ in componendis organis artificium? Impossibilem ergo concipies fermentationem. Humorum præcipuus sanguis chylo oneratus. Omnium fons & scaturigo. Hunc fermentationis expertem, fermentationis ipsa declarat definitio. *Ista est: Operatio naturalis, in quâ quâdam partes acida præprimis prosapia cum oleoso-viscosis particulis, accedente tepido calore, in motum intestinum lentè precedentem incidunt, usquequo salina cum oleosis particulis conjunctionem iniverint, vel donec quod fermentandum fermento quoad indolem planè simile fuerit.* Quid est motu intestino donati liquorem semper circulariter actum? nullus liquot minùs fluidus quàm sanguis; corpus merè fibrosum est, partibus quibusdam serosis dilutum. Hoc sublatâ vi mortice stagnat. Ingens & maxima vis illa, & quidem necessària est. Infinitè per suum cursum sanguini, cujuslibet secretionis opibus diviti, superandæ solidorum resistentiæ; undenam tantum igitur robor? Non ipsi fermentescenti cruori cum ficto aëris nitro tribuendum. Spiritibus & negandum, nulli etenim sunt. Fluida nostra non tam mordicus rimetis, horum enim exigua potentia. Ex solâ vasorum structurâ petenda est hæc potestas. Non plumbei nostri canales, non hebetia quibus constant stamina. Scalpello manum admove. Fibras in corde rectas, spirales diverso modo positas, ventriculos valvulis & tendinibus asperos, majorem in sinistro, quàm in dextro resistentiam, in arteriis membranas veluti decussatas reperies. Cui bono tam mirabilis mechanica compositio? si merè passiva. Ex minimorum cordis & articularum, peculiari & innatâ compage pendet in utrisque motus reciprocos diastoles & systoles, quo mediante perpetua sanguinei laticis agitatio. Hæc porro fermentationi nil magis contrarium. Hinc apud fermentatorum coryphaeos stabilitur axioma: *Stante circulatione tunc nec in corde nec in massâ sanguineâ fit ulla fermentatio.*

## III.

SI quæ itaque naturaliter insit in nostris corporibus fermentatio, extra orbem sanguinis tota peragitur. Quæcumque nobis sunt quietis aut minoris motus capacia viscera, ea sola fermentando paria. Quæ quæso reperire est? Ventrículo cave ne dicas, intestina ne nomines. Utraque vel per vomitum vel per secessum eam eicient. Rem fermentandam continuò agitare saxum Sisyphi v. lvere est. Alimenta in ventriculo semper quatuntur; ventriculus magnus corporis torcularium, prælum potiùs publicum. Ille est musculus concavus (idem de intestinis iudicium) multiplici fibrarum elasticarum ordine compositus. Ipsi vis à diaphragmate cui adhæret augetur. Reciproci musculorum abdominis motus tum in animalibus rectis, cum & in pronis non requiritur, sed confert. Favent à divisione externæ alimentorum præparationes. Harum instrumenta, ignis in quibusdam, in aliis rejeclâ coctione, communia utrisque labia, dentes & saliva. Inter alimenta ex animalibus & vegetabilibus petita maxima similitudo. Neque enim inter animal & plantam aliud discrimen

interesse videtur, quàm quòd planta intestinis careat, sive (quod ad idem redit) isdem extroctum versis gaudeat, lacteasque in cortice gerat. Chylolis sola ciborum in ventriculo elongatio. Corpora nutrientia à nutriendis specie non differunt, hinc facilis horum in illa mutatio. Simile simili nutritur. Chymica ciborum in ventriculo si adsit solutio, cur partibus integrantibus, ut sæpiissime fit, imprægnatur? Deficiens fermentum subtiliter acculatur, sed verius diceretur abiens, non in alimentis, non in stomacho reperendum. Illud vel insitum vel adscititium fingatur, maxima sequentur absurda. Succus gastricus diluentis vices tantum gerit. Saliva à sale dicta. Ut in piscibus marinis aqua salâ natantibus nil salis sanguini commisceatur, sed per anum sub formâ cristallorum ejicitur; ita saliva à salu cruri non communicatur. Hæc merè lymphæ seu inanis pituita apprimè diluit. Ejus frequens sputatio nocet non salis acidi deperditione, sed aquei potius laticis detrimento. Facta circa eandem experimenta nil respectu nostri concludunt.

## I V.

**A** Varietate systematum Medicina non præstantior. Inanis simiola fuit, quæ Medicos omni arate compulit ad sectas condendas, potius quàm ad nova deregenda phænomena, quæ morborum historiam illustrarent confirmarentque. Uni tamen hypothesi, & præcipuè ab Antiquorum doctrinâ parùm recedenti, non adhærere, sed obsecundare haud insulsum est. Systema sibi serviat, non tam ad fingendos naturæ effectus, quàm ad jam pridem cognitos ritè explicandos. In tritu & fermentatione, non mera diversitas. Adest incompatibilitas. Illius in quibusdam animalibus concipitur existentia, hujus in nullis judicatur. Posito tritu corrumpit fermentatio. Illum stabiliunt viscerum structura & motus; hanc eadem destruant. Trituratio fermentationis consortio non indiget. Sola omnibus nostri corporis functionibus præest. Functiones ad secretionem commode reducuntur. Ubi embryo secernere incipit, tunc mater filiorum lætans, se concepisse gaudet. Embryonis secretiones inchoat fecundans semen virile, perficit nutritis & augens sanguis menstruus, cujus suppressio naturalis genitum gravidæ mulieris indicium est. Secretio non est puri ab impuro separatio; sed recrementorum, partium nempe solâ quantitate & crassitie (id est mole) peccantium segregatio. Ei sufficit vasorum occillatorius motus, proportionata fluidi velocitas, partis secernentis situs à vi motrice plus minusve remotus; porò diversæ figuræ falsò supponuntur. Filtra tantum partibus secernendis commensurabilia requiruntur. Chylus omnium secretionum penus. Ille in has omnes ferè consumitur. Humorum quos nobis suppeditant, nulli noxii, nulli excrementitii, nulli absolute inutiles. A rebus non naturalibus, aëre, somno, vigiliâ, motu, quiete, venere pendunt; sed à cibis potissimum. Quale & quantum alimentum, talis & tanta in corpore secretio. Hujus ergo nulla sunt analogæ occulta in glandulis nunquam demonstrata fermenta. Positâ circulatione sanguinis nulla percipiuntur glandulæ. Infans in utero matris nutritur, movetur, augetur, absque fermentationis auxilio. Cur adultus eodem ad idem indigeat? In illius secretionibus varii sapores, odores, sales etiam quidam percipiuntur. Hæc omnia à sola trituratione. Quid ad hujus planè similes functiones desideratur inutilis fermentatio?

## V.

**E**X solidorum cum solidis proportionato motu, jussu fluidorum cum fluidis ad partes appellentibus resistentiâ corpus inter & animam nascitur æquilibrium. Illud vel ab animæ imperio, vel ab externis corporibus plus minusve tollitur; varii inde in organis motus, variae in anima sensationes. Harum perceptio vigilia, ignorantia somnus. Molis in spiritibus animalibus, pororum in nervis diversitas inutilis. Sanguis analysibus chymicis incassum committitur. Nulla

prorsus ex eo elicienda principia ad fermentationem excitandam. Falsâ acidî in cruore præsentia. Falsâ ejusdem ignis opeeductio. Nulla fingit ignis principia; huic inde illud sal acidum non concedendum, sed argillâ nunquam bene calcinanda restitruendum. Chymicè & mechanicè considerare corpus humanum impossibile est. Chymica in se suscipit rerum heterogenearum quæ in corporibus naturalibus latent & implicantur, separare & extrahere, corporaque ipsa impedita liberare, immatura perficere. Nullæ sunt in nostro corpore heterogeneæ partes, nullæ impuræ, quædam revera immaturæ, sed ab ipsâ non perficiendæ; instrumentis quibus utitur nulla fides adhibenda, viâ enim atque rationes quæ ducere putantur ad hos fines tam in theoriâ quàm in praxi, erroris & nugarum plenæ sunt. Quibuslibet Authoribus ne credas; neque traditio ipsorum ut plurimum candida est, sed artificii & latebris minuta. Mechanica est scientia constans ex naturæ legibus deprompta. Ipsiusmet causâ exemplaris corpus humanum est. Trochlearum, scyalarum, vectium miramur effectus in externis corporibus, at in nostro corpore earumdem machinarum ut ita dicam matrum certiora & mirabiliora negligimus phænomena. Fermentationem non asserant, qui *sal quoddam acidum, oleum viscosum, sufficientem humidî copiam, liberiores aeris accessum* nobis demonstrare dicunt. Salis inveniendi conatus inutiles nullo modo laudandi. Sed esto: hoc gaudear massâ sanguinea, sinu sulphuræ partes cum quibus lentè congredi possit; ubinam cerraminis palestra! *Locus quietus nullus.* Illum supponamus, nulla tamen fermentationis spes. Cruor vel venæ vel arteriæ sectione extractus, in patella immobili receptus, aeri liberiori, igni moderato, ut calor repidus exciteretur, mediante vel aquâ vel arenâ expositus, non fermentescit. Cur? omnia licet ad fermentationem requisita in- & adsint. Non multiplicanda entia sine necessitate. Quæcumque in nostro corpore miraris, hæc solus præstat tritus, sufficiens, fermentationisque hostis accertimus.

*Ergo non mutuum tritus & fermentationis commercium.*

### Domini Doctores disputaturi.

M. Salvator Cluscard.

M. Claudius Vergne.

M. Joannes-Baptista Dondart, Serenissima Principis Dotaria de Conti Medicus ordinarius, & Serenissimi Delphini, dum viveret, Medicus.

M. Claudius du Cers.

M. Ludovicus Guillot.

M. Philippus Donté, Antiquus Facultatis Decanus.

M. Joannes-Baptista Enguehard, Scholarum Professor.

M. Joannes-Baptista Fermeilhuis, in Regiâ Artium Academia Socius Honorarius.

M. Amandus Donté, Regi à Consiliis, Serenissima Biturigum Ducissæ Medicus Primarius, Facultatis Decanus, & Præses.

Proponebat Parisiis LUDOVICUS DE SANTEUL,  
Parisinus, Baccalaureus Medicus, A.R. S.H. 1716.  
à sexta ad meridiem.

Typis J. QUILLAV, Universitatis & Facultatis Medicinæ  
Typographi.